





INVENTAIRE GENERAL DE TOVT CE QVI S'EST VERITABLE- ment passé de part & d'autre en tout le pays d'Allemagne entre l'Armée Imperiale & celle des Protestans,

*Depuis le troisieme Aoust dernier iusques au qua-
torzieme Septembre 1620.*

Contenant le secours du S. Pere à l'Empereur, leuée
de deniers sur les Ecclesiastiques, secours d'Espa-
gne, secours d'Angleterre, batailles, prises, & sie-
ges de villes, assauts, bruflements, massacres, tu-
multes, assemblées, pillages, deffaites, rencon-
tres, ordonnances, effectiions, Traitté de Paix: Et
generalement les noms & qualitez des Seigneurs
qui ont esté tuez de l'un & de l'autre party.

*Le tout recueilly par le Seigneur Petre de la Tour, present à
la plus grande partie des affaires cy-dessus.*

Traduit d'Allemand en François par A. M. F.



A P A R I S,

louxte la copie imprimée à Francfort par
Marin Gauoel.

1620.

Avec Permission.

Case

F

39

326

1620 Lat

THE NEWBERRY
LIBRARY



INVENTAIRE GENERAL

De tout qui c'est veritablement passé de part & d'autre en tout le pays d'Allemagne, entre l'Armée imperiale & celles des Proteſtiant, depuis le 3. Aouſt dernier iuſques au 14. Septembre 1620.



Epuis les derniers nouuelles, on eſt aduerti qu'il y a force gens de guerre és enuiron de Bruxelles, leſquels attendent douze mille hōmes à pied, & deux mille cheuaux. Neapolitains, Lombards, & Eſpagnols, prenās leur paſſage par la Bourgōgne & Lorraine, où ils ont fait tous preparatifs pour joincte les troupes du Duc de Bauiere le quel à enuoyé à Rome le Doyen d'Augſpourg, avec le Comte Iule Cæſar pour y faire rapport des troubles d'Allemagne, & ce tant au Pape comme aux Princes d'Italie, ces Ambaſſadeurs ſont encores à Rome leſquels ſollicitent au poſſible le ſecours en argēt & en gens pour l'Empereur, auſquels le Pape a deſia faiēt deliurer cent mil eſcus, aduances par les Chanoines Reguliers, ſans compter leſdiſmes, & tient-on que les Eccleſiaſtiques de S. Benoiſt ont eſté mis à trente vn mille, les Chanoines de Lateran à vingt mil mille eſcus pour ledit ſecours, pour le quel fortifier ſa M. Imperiale a fait leuer pour ſon ſeruice force gens de Segna & d'ailleurs les ayans

feist assembler sous le Capitaine Ferlettich qui les ayant fait embarquer pour passer le détroit de Venise & se rendre à Friest ont esté empeschés par l'armée navalle Venitienne, & contrainsts se retirer au port de Manfredonia, où ils se tiennent encores aguettés par les Venitiens, resolu à leur bouscher ce passage : pour ce sujet on arme à Venise encore quatre galeres.

Le 3. Aoust arriuerent à Viëne deux cens cosaques se disant estre sortis de leur pays vn grand nombre, en intentiõ de troubler la Sylesie, mais desconuerts par les Morauies & attrapez ont esté deffaits quinze cens aux enuirs d'Oulmitz, & neuf cens près de la ville de Crain & Schuibisch, dont leur chef le Comte d'Atheimb fut contrainct de se retirer à Vienne.

En ce mesme temps on demande nouuelles leuées sur la bourgoisie de Vienne asçauoir mille cheuaux ou bien trente Daler pour chasque cheual, & aux marchands forains qui sont en ladiëte ville quinze mille reichsdaler, lesquels Bourgeois & forains font grande difficulté, considerant la bassesse des cômerces, & ce qu'ils ont desia aduancé & par le on dy vouloir mettre deux mille Espagnols en garnison pour la seureté de la ville, comme aussi es autres places du pays.

Le 9. Aoust furent attrappées & confisqués seize tonneaux, remplis de musquets, qu'on y vouloit faire entrer à Hornals sous couleur d'autre marchandise, auquel lieu arriuerët vne troupe de Cosaques lesquels ont menacé les protestans de s'y vouloir vn jour trouuer pour assister au presche, & de fait quelques vns d'entr'eux s'y trouuerent contre le cõman-

5

dement de l'Empereur, pour laquelle cause le presche fut differé.

Sur la remonstrance des Estats d'Vstryche, sa M. Imperiale s'est ouuertement declaré, que pour le temps, ou on est, elle ne peut vider les pays de gendarmerie foraine, moins leur octroyer confirmation des priuileges, oster leurs charges, que premierement ils n'ayent renoncé à l'alliance faite avec les prouinces confederées du Royaume de Boheme, ayant presté l'hommage & qu'alors il octroiera ce que les Empereurs ses predecesseurs leur ont cōcedé sans autre chose, surquoy les Estats ont reiteré la remonstrance.

Depuis que le camp Imperial a passé la Riuiere il y eut des cōtinuelles escarmouches entre luy & celuy des Bohemiés, lesquels au dernier rencontre ayants perdu pres pres de mille hommes, se rattrouppent avec les Morauiens & Silesiens en grand nombre, ausquels se sont joint quatre mille Hongrois.

Les Eleçteurs n'aguerres assemblez à Mulhousen en Thuringen ayant enuoyé des patentes au Roy de Bohême luy enioignēt de céder le Royaume à l'Empereur dedans six sepmaines : au refus duquel terme ils les menacent des peines contenuës es constitutions Imperiales.

L'Empereur ayant le sixiesme d'Aoust despesché trois patentes, par lesquelles le terme est prolongé jusqu'au vingtsixiesme de Sept. l'une audit Roy, l'autre aux autres Eleçteurs & Estats del'Empire, & la troisieme à tous Capitaines, officiers & soldats de l'armée Boëmienne, qu'ils ayent à quitter dedans ledit terme le party de Boëme sans luy assister aucunement ou en façon que ce soit : lesdites patentes, en

cas de desobeïssance, seront indubitablement suivis d'un ban de tous les interessez, comme l'on verra en suite dedans le recueil du mois d'Octobre.

Le Duc de Saxe demande au Prince Palatin la restitution de l'argent qu'il a presté à l'Empereur (d'heureuse memoire) Rodolphe: Ce qui a donné sujet aux provinces confederées de se charger chacune d'une partie des debtes du Royaume, cessans les parties qui n'ont point esté conuerties au profit d'iceluy, & renuoyans les demendeurs à l'Empereur ledit Duc de Saxe apres auoir pour son particulier exhorté les Estats d'Autriche, a fait assembler ses forces au nombre de vingt quatre mille hommes tant forains qu'originaires, & fait quelque semblant de vouloir secourir l'Empereur: mais trouuant les volontez de ses subiects mal disposées à cela, s'est resolu, comme l'on tient, de ne s'en point meller: toutesfois a depesché vn courier à Prague pour preser la responce aux susdites lettres de l'assemblée de Mulhausen, & pour ueu aux frontieres de son pays.

Quelques nombres de Boëmiens s'estans venus rendre à Egér, à sçauoir sous le Comte de Stryumb mille cheuaux, & sous Veymar deux mille hommes, & y attend l'on vn bon nombre de soldats nommez les Troyens, qui n'ont point d'Enseigne, portans leurs mousquets à cheual, & apres auoir deschargé sur l'ennemy, mettent pied à terre combattent à pied, leurs cheuaux estans dressez en sorte qu'ils s'atroupent & se tiennent ensemble.

L'Archiduc Albert se met en deuoir de mettre sur pied deux regimens: à raison dequoy la ville de Bruxelles se trouue remplie de pretendans, entre autres le Comte de Rosser Liegeois suivy de quarante che-

uaux, offerts pour son particulier à vouloir l'euer à ses despens mille cheuaux : & parce que Don Francisco de Medina y est de retour apportant la resolution du Roy Catholique, il s'y fait de grandes leuées, ayant le Marquis Spinola receu puissance absolüe de disposer du faict de la guerre comme bon luy semblera, & tellement qu'il jugera estre au contentement de son maistre. On tient qu'il est en volonté de se mettre en campagne : comme aussi il a desia fait prouision de quatre cens chariots & huit cens cheuaux pour l'artillerie, & receu cinq nauires chargées de soldats originaires d'Espagne, desquels il en doit venir encores deux mille.

Le Duc de Bauiere fait marcher son armée contre Donauvert, Vvendingen, Lavvingen, Gondelfingen & plusieurs autres lieux circonuoisins. Icelle armée est composée de trente mil hommes, pourueüe de soixante pieces de canon : A raison dequoy le Marquis d'Anspach & le Duc de Vvurtemberg, avec leur armée se sont ja emparez de la ville de Dünckelspiel, & mis de leurs gens en garnison, parce qu'ils auoient eu quelque vent que le Duc de Bauiere auoit enuie de ce faire.

Enuiron le 14 Aoust le Comte de Dampierre s'estant rué sur le bourg Garst y a fait passer par le fil de l'espée pres de trois cens hommes, a pris prisonnier le Lieutenant general du Comte de Mansfeld, & c'est la troisiésme fois que cestuy-cy essaye les prisons de ses ennemis, & maintenant a esté donné pour present audit Comte Dampierre, lequel s'est trouué à Vienne pour se faire guerir d'une bleſſeure.

Peu apres les Cosaques surprindrent le Prelat de Vvaldhufen, massacrèrent ses subjects, mirent le

cloistre à rençon : comme aussi ils mirent le feu au bourg de Stokeravv, & dura iceluy embrasement deux iours & deux nuits, & en plusieurs autres beaux villages de delà le Danuble, n'espargnant personne ny aucun lieu, saccageants, brussants, gastsants tout, soit Ecclesiastique ou seculier.

On tient que les grisons sont en volonté de laisser passer les troupes Neapolitaines pour s'aller rendre au pays de Tyrol, afin qu'iceux Grisons puissent r'auoir de la Duché de Milan les commoditez du bled, de l'huile & autres viures. Ausdits Grisons le Gouverneur de Milan a donné l'espouuante, ayant sur vn certain lieu proche du fort de Fuentes dressé vne entreprife. Il choisit six hommes de garnison & douze autres, & les fit deguiser en façon de porte hotte ou vignierons, donnant à chacun d'eux vne dague, les fit marcher contre le lieu qu'il vouloit surprendre: Les gardes les voyant sans armes & si pietrement habillez, leur donnerent entrée. Eux donc ayant gagné l'entrée surprennent les gardes & les tuèrent : & suiuis des autres soldats du fort, se rendent maistres du lieu, qui est vn passage fort difficile : ce qui a donné occasion de prendre les armes, & charger la cuirasse aux habitans d'icelle vallée.

En Italie le Duc Zagarolla s'est acheminé pour le seruice de l'Empereur avec deux galleres Florentines assorties de toute prouision pour les troupes qui doiuent prendre la route d'Allemagne. Estant arriuez à Naples avec plusieurs autres nauires chargées de soldats, ne voulurent passer outre sans auoir receu argët. Pour à quoy obuier le Roy d'Espagne a demandé de rechef aux Estats de Naples, Sicile & Milan les trois millions cy-deuât requis pour la guerre d'Allemagne:

Aussi le Pape a commandé de leuer sur les Ecclesiastiques au Duché de Milan le sixiesme, & a en haussé à raison de cela les tailles & gabelles du bled & du vin : en suite des choses susdites on a assemblée sous le General Loffredo toutes les compagnies Italiennes & fait vne reueuë & payé à chacun quinze elcus : De mesmes l'on attend les Espagnols de iour à autre, pour le transport desquels le Vice-Roy de Naples a enuoyé six galleres en Calabre : celuy qui doit auoir la conduitte du secours d'Italie s'appelle Sigismond Rudolphe, pretendant de prendre vn passage dès long temps inusité : pour l'auancement dudit secours on a enuoyé en Allemagne dix mulets chargez d'argent.

INVENTAIRE DE CE qui s'est passé veritablement du costé des Protestans.

A Ayant iusques icy briefuement representé ce qui s'est passé du costé de l'Empereur, nous monstrerons en suite aussi en quel estat sont les affaires de Boëme, pour le secours desquels se trouue le Collonnel Megan avec mille cheuaux Starrenberg avec douze cens pietons Vveymar suiuy de deux mille à pied, & cinq cens cheuaux leuez és Prouinces vnies du pays bas.

Les troupes du Duc de Vveymar estans arriuees au Baillage de Bourhaim, trouuerent plus de trois mil paylans qui leur voulans fermer le passage, furent defaicts & tuez au nombre de cinq cens & plu-

sieurs bleffez.

Le secours d'Angleterre est sur le point des'embarquer pour prendre la routte de Hambourg, & de là celle de Boëme, entre iceux il y a quatre mille leuées pour la Royne, lesquels sont habillez d'une liurée; assavoir blanc & rouge, pour le payement desquels on a desia fait tenir par lettres de change bone somme de deniers à Nurenberg, en outre se fait en Angleterre vne magnifique leuée de deniers, lesquels se montent à quatre cens mille liures Angloises le tout baillé tres volontairement, & plusieurs Seigneurs & Dames de qualité offrent vne cōtribution annuelle, entre lesquels il y a vne Dame notable laquelle ayant fait deliurer à l'Ambassadeur cinq cens liures, promet en payer autant tous les quarts d'ans. Le Roy d'Angleterre a fait tenir en Boëme six millions, & au besoyn il fournira dauantage. Betlehem Gabor a fait marcher au secours du Roy de Boëme trois mille cheuaux & cinq mille pietôs lesquels sont desia arrivés en Morauie, & ledit Gabor est resolu d'attaquer les pays de Steyrmarex en cas que l'Empereur ne se declare rondement à la demise des armes contre la Boëme, & leurs confederez, & en cas aussi que le Duc de Bauiere offense rât soit peu ledit pays qu'il luy fera teste au possible, ayant ledit Duc de Bauiere enuoyé lettres au Roy de Boëme par lesquelles il luy mande qu'il ait à vuider le Royaume & retourner en son Palatinat, autrement qu'il le poursuiura par feu, par glaive & par tous actes d'hostilité: pour cest effect le Roy de Boëme luy a enuoyé en Ambassade le S. Camerarius Vice-Chancellier de Boëme & Conseiller Priué pour le mieux informer touchant l'acceptement de la Couronne, & doit le-

dit S. Camerarius faire le mesme enuers autres Estats & Princes de l'Empire.

Nonobstant les susdites patentes de l'Empereur il y a peu d'apparence que les Estats d'Autriche vueillent faire l'hommage, ayant esté exhortés par les nouueaux cōfederez à tenir bon en ce point là, & de fait ils ont esté congediez, mais rappelez pour le premier de luïng, pour prester serment de fidelité soubz peine de perdre tous droicts & privileges, sans aucun espoir de les recouirir. Moins a il d'apparence que les Boëmiens se vueillent ranger, car encores que sur le commencement d'Aoust on ait commencé à Prague de penser à quelque forme de paix, pourueu aux seurtez des allants & venants, donné puissance au Prince Cabot de traiter avec l'Empereur que l'on tient estre résolu à faire trefues seulement avec la Hongrie & Transilvanie, si est-ce qu'ils ont avec les Estats de Moraue & Syleisie déclaré pour successeur à la Couronne Henry Federic fils aîné du Roy de Boheme, laquelle declaration a esté suivie de trois tonnerres au grand estonnement de tous.

Pour honorer la Roïne de Boëme apres ladite declaration on la fait Douairiere de la Seigneurie de Mellingen reuny au Domaine, les biens que Kinsky auoit obtenus du feu Empereur contre le consentement des Estats.

Durant les choses susdites arriuerent à Prague les Ambassadeurs du Roy de Suede & du Duc de Brāde Bourg, dont celuy là demande la reception de son Roy en la ligue : quant à la Hongrie on y licentie toutes les garnisons estranges, met en leur place gens originaires du pays, pour rendre la Couronne

purement & simplement entre les mains de la nation.

Le Capitaine Leuffenberg ayant donné entrée à quelque nombre de Turcs en la forteresse de Gomorra s'est mis en peine, car au bruit de cela les Heïduques logés es environs se sont bandez contre luy, & la forteresse de Raab n'y voulant point laisser entrer des vivres, demandent ledit Capitaine pour le presenter aux Estats qui se doivent tenir: sur cela Bacha d'Ofen a mandé audit Capitaine qu'en cas que les Hongrois ne vueillent point donner entrée aux munitions que l'on y enuoye de Vienne, que luy mesme se mettra en deuoir de la viſtuuiller: mais il y a peu d'apparence qu'ils tiennent compte de ces menaces, car ledit Capitaine leur ayant enuoyé des Deputez pour leur parler ils les ont mis en pieces avec menace de luy faire vne mesme bien-venue.

Le Prince Gabor s'estant plaint au Prince Grätian a tant fait qu'iceluy ayant esté adiourné à Constantinople s'est retiré dans la Moldaue dont vn autre Prince, grand ennemy des Polonois, a esté mis en sa place en la Valachie. Les Hongrois ont tellement bouché le passage de Vienne en Pologne que le Courrier enuoyé par l'Empereur a esté contraint de rebrouſſer chemin, par ce que personne n'y ſçauroit passer sans danger.

De la haute Hongrie il y a 10000. Hongrois sur pied prests à s'acheminer, mais on ne ſçait de quel costé. Bethlehem Gabor a enuoyé vne magnifique Ambassade à Constantinople, laquelle a charge de demander ſeulement paix pour la Hongrie, Transiluanie & les confederes nouueaux, comme aussi de frayer le chemin à l'Ambassade du Prince Palatin qui la doit ſuiure: vne autre a esté enuoyée par luy en Pologne à cause de l'inuention des Cosaques.

Pour la journée ou diette qui se doit tenir à Neueschl en Hongrie le Prince Gabor fait de grands preparatifs, l'Empereur voulant envoyer en ladite diette ses serviteurs Philippé Comte de Solms & le baron George Teuffel ayant pavauât rasché d'y employer le Prince de Liechtenstein lequel voyant que les Hongrois ne vouloient point donner d'ostages pretendans que c'est vne diette libre là où tous interesséz se pouuoient trouuer sans danger : pour ceste cause ont refusé à l'Empereur de s'y hazarder.

A Presbourg est arriué vne Ambassade Turquesque enuoyée à l'Empereur dont les lettres ou instructions ont esté saisies & deliurees au Prince Gabor : icelle continuant son chemin & arriuée à Vienne le 14. d'Aoust apportant comme son maistre ayant à regret entendu le souleuemēt des subjects de l'Empereur dont il estoit tres-marry, entédant qu'il y en auoit qui raschoient de luy persuader & luy donner des fausses impressions touchant l'observation de la paix, disans qu'il vouloit assister les rebelles de ses armes, & qu'en cela on luy faisoit tort, n'estant nullement son intention de contreuenir aux articles de la paix : qu'au contraire il s'offre de luy enuoyer vn secours de 10000. mille hommes & plus si aussi plaisoit à sadiète Majesté, laquelle a fait responce qu'elle remercioit leur maistre de sa bonne intention, disant que pour le presēt elle n'auoit point de besoin du secours offert, ains qu'elle s'estime assez suffisante pour chastier ceux qui ne se voudront rengier à leur deuoir.

Sensuit la continuation de ce qui c'est passé en la haute & basse Austrufche enuiron le 20. Iuin. Le Lieutenant du general Scheuēdy suiui de deux enseignes

de gens de pied & deux à cheual s'est emparé de la ville & bourg Anger sans aucune resistance: apres y auoir laissé vne garnison se met en deuoir de la fortifier, le 17. d'Aoust on enuoye du cartier du Comte de Bucquoy trois cens chariots deuers Hollabrun sous la conduite de 500. soldats pour aller à Sonberg pensans y estre en seureté, mais à l'impourueue ils furent environnés d'une troupe de cavalerie de Morauiens lesquels les mirent en pieces & emmenerét les cheuaux & chariots & tout ce qu'ils trouuerent. Au reciproque les Imperiaux estans allés à la piquorée rencōtrèrent deux Seigneurs des Estats protestās, assauoir celuy de Buheimb & Leyfser tous deux commissaires de guerre lesquels furent prins prisonniers & presentez audit comte de Bucquoy.

L'ambassade du Roy de France estant arriué s'est vertué au possible d'accorder les deux parties qui menacent l'Allemagne, & en suite route la Chrestienté d'une tres-sanglante guerre: si est-ce que pour le present il y a encores fort peu d'apparence de paix, d'autant qu'il se fait de toutes sortes de preparatifs quasi en tous les Royaumes de la Chrestienté tant pour l'une des parties que pour l'autre, comme nous monstrerons en suite, commençant par l'Italie. A Genes a esté ordonné au moyen du Vice Roy de Naples qu'au plustost l'Empereur receura deux cens mille escus: à Milan a-on pris quarante mille escus pour en payer les Soldats qui doiuent aller en Flandres, & demande-on outre cela 150000. mille R. audit Estat de Milan & autant aux Siciliens pour l'entretenement de ceste guerre.

Le Roy d'Espagne a dés le 26 Iuillet choisi 100 Ca-

pitaines pour leuer des gens, & sous le commandement du Marquis di Monte-negro les enuoyer à l'Empereur, commandé en outre par tous les ports de mer qu'on y assortisse tant quel'on pourra de nauires.

Le 10. Septembre le comte de Mansfeld s'est emparé de la ville de Thein en laquelle il a fait vn riche butin, cependant les Estats & Princes Protestans tiennent vne assemblée à Vlm: ce qui se passera de nouveau nous pourrons voir aux prochaines nouvelles apres les tenuës des assemblées.

FIN,



